

Общественно-политическая газета
Ханты-Мансийского автономного округа – Югры

ХАНТЫ ЯСАҢ



www.khanty-yasang.ru

ПЯТНИЦА

20 июня 2014 года

№ 12 (3408)

Основана 1 ноября 1957 года

Айдат ёх хятл пида



И. Самсонова верум хур

Тәм
номерән
лұнтаты

5

Хәрәң мұв
ими рәт
ясада мир
вәндтәд

7

Ёмвошн
Вурщик
хятл постасы

8

Хятл щирн
вәдты мир
Ёмвоша
юхтыйдсәт

10

Айдат
финно-угрәт
ияха
актәщийдсәт

11

Ханты ими
ар од ай
деккара
рәпитәс

Коррупция вер дерамтты пәта

Тәта мосванән лыпәт тыдәщ 10-мит хәтәдн Ёмвош округев Дума хотн депутатәт ашколайн, колледжәтн, университетәтн вәндтыйдты айдат ёха коррупция ән мосты пәта арсыр айкеләт тәсәт.



Сырья ияха юхтум хуятәт едпийн Дума кәща дәнқәр хә Александр Сальников лупәс, муй ширн тәм йисн нявремәт

енмәлдыйт, шиты дыв елды вәдты питләт. Ёмвош округ Общественной палата кәща не Любовь Чистова ши

Культура од олаңән айкеләт версәт

Лыпәт тыдәщ хәтмит хәтәдн Ёмвош округ дума хотн депутатәт мирхота әктәщийдсәт па Культура од олаңән сыр-сыр айкеләт версәт. Тәм немасья кәщайта верум мирхотн дума социальной верәт комитет кәща не Наталья Западнава, Югра мұв культура департамент кәща не Надежда Казначеева па Природной ресурсәт тәхи кәща хә Евгений Платонов вәсәт.

Ияха әктәшум хәннехуятәт едпийн Югра мұв культура департамент кәща дәнқәр хә Юрий Изосимов арсыр айкеләт тәс. Лұв путәртәс, хуты Культура од пәта Ёмвош округевн араттедн сот мулдас вер ләщәтдә. Шиты сот од мет олаң арсыр мирәт дәд мәнум вұш эвәлт, рұщ поэт хә Михаил Лермонтов кәтсот ода ювұм хәтдәд сема питум вұш эвәлт, рұщ мир казачества верәт па шуши мирәт сыр-сыр емәңхәтдәт постәты ширәт немасья вәндтәты питлдыйт. Мұң мұвевн тәм күтн «Югра – 2014» увәс ёхлұв ремёслайт фестивалы дыпәт тыдәщ 11-мит хәтд вұш эвәлт па 13-мит хәтд вәнта мәнты питл.

Округевн юхи хәшум олаңән шеңк яма «Вұрңа хәтләт» ләщәтлдыйт. Юволәңән Ю. Изосимов тәмиты путәртәс: «Мосдјастәты, хуты арсыр хон пеләк мұвәтн Югра мұвев увәс мирәт культура тәйтә тәхия лұнәтдә». Дыпәт тыдәщ 17-мит хәтәдн «Югра-Классик» хот депн Россия мұв артист шәңәт хәя Александра Абдулова кев хурас пұншды. Шәдта вухаль мир шәңәт поэта Ювана Шесталова «Торум Маа» йис пурмәсәт әкәтты хот пұңәдн ишиты кев хурас дыпәт тыдәщ 22-мит хәтәдн омәсды.

Владимир НОСКИН

олаңән путәртәс, хуты айтедн енұмты нявремәт мосд вәндтәты, дәдн дыв коррупция верәта ад вұянтсәт. Ши пурайн немудты вевтам вәлупсы ширәта елды вәдты-хотты ширн дыв иса ән юхәтләт.

Югра мұв коррупция ширәт арталәты тәхи кәща не Татьяна Глухих шимәщ айкел тәс, муй ширн тәмхәтл айдат ёх вәндтәты, дәдн кашәң няврем, вәна йитәдн, тұңширәңа арсыр вән кәщайт пида закон ширн путремәты хошәс па лұведа мосты рәпитты тәхи вухәт сухуптәты унтасн ёша павәтты ад веритәс. Кашәң шимәщ вер тәм йисн, вантә, Россия мұвев законәт ширн

арталәда па вантда.

Тәмхәтл ашколайн муй университетәтн вәндтыйдты айдат ёхлұва немасья дополнительной образования ширн ләщәтум поступсәт мосләт, дәдн дыв рәт мұвев па дыв лепәдн кашәң хәтд мәр ванән вәдты хәннехуятәт иса сәмәңа ат тәйсәт па немудты вевтам муй ювра верәта ад кәтләссәт. Тәп ши пурайн коррупция мұң Россия хон пеләк мұвевн иса ән питл. Ши олаңән юхи хәшум күтн Югра мұв коррупция ширәт арталәты тәхи кәща не Татьяна Глухих ияха әктәшум депутатәт па округев айдат ёх кәщайт едпийн путәртәс.

Вениамин ЕНОВ

ООО «Лукойл – Западная Сибирь» тәхи ёх унтәсн лыпәт тыдәщ 16-22-мит хәтләтн Югра мұв Приполярной Кев юханәт хұват «От истока к устью» немпи экспедиция ләщәтсы. Ши хәтләт мәр апрәң па пәдтапды хуятәт хопәтн юханәт хұват 170 верста вәщты нәмәсдәт.

Ши ёх күтн шуши мир оса тәхет хәннехуятәт, «Лукойл – Западная Сибирь» мұв идпи питы вуй вұты ёх, Югра, Ямал мұвнән па Тюменской область эвәлт кәщайт вәлдәт.

«От истока к устью» проект вер 2011-мит од вұш эвәлт «Югра дылдуптәты» па «Ямал – потомкам» оса тәхәңән унтасн верды, дәдн яма

вантты, муй ширн мұвев-ийңкев олаңән уша верты па дерамтты, сыстам муй әнтә ши мұв. Ши тумпийн ияха кәтдасман этнотуризм вер тұңширәңа ләщәтты.

ООО «Лукойл-Западная Сибирь» тәхи айкел

Хәнты ясәна тулмащтәс Ирина ПОСЛОВСКАЯ

Ариты-якты кәсупсы мәнәс

Вән кер тыдәщ 21-мит хәтд вұш эвәлт па Ас нопәтты тыдәщ 30-мит хәтд вәнты округ «Культура» тәхи «Югра фестивальная» интернет-кәсупсы верәнтәс.

Ши кәсупсы нух вантты па мет ям якты-ариты тәхи пириты шира арсыр культура тәхет ёх 60-кем мосты непек китсәт. Экспертной совет хуятәт ши китумутлад нух вантсәт па арсыр номинацияйт ширн нух питум ёх пирисәт. Хәнты хуятәт эвәлт «Победи-

тели Всероссийских фестивалей и конкурсов» номинация әхтыйн Нефтеюганской район Салым кәртән вәдты «Хәнты Мош» немпи тәхи ёх нух питсәт.

ООО «Культура» айкел Хәнты ясәна тулмащтәс Надежда ИЛЬИНА

Губернатор хэ пириты вер

Дыпāt тыдāщ хэдмит хātāдн Ёмвош Шахматной академия хот йитн Тюменской область мўв Губернатор хэ пирисупсы вэс. «Единая Россия» партия хуши вэлты ёх немасыя тām кэщā пириты вер хэлум тāхийн верлāt. Мет олāнāн тām вер Тюмень мўвн лэщātсы. Кимит пирисупсы мўң Югра мўвевн мāнās. Хэдмит ут лыпāt тыдāщ нядмит хātāдн Надым вошн Ямал мўвн верса.

Шахматной академия хот йитн пирисупсэт мāнум пурайн Уральской федеральной округн Россия мўв Президент полпред хэ Игорь Холманских, Югра мўв кэщā не Наталья Комарова, Ямал мўв кэщā Дмитрий Кобылкин па Тюменской области кэщā юкана вэлты хэ Владимир Якушев вэсāt.

Тюменской область Губернатор хэя йиты лāнхалāt: Тюменской область Дума кэщā лāнқār хэ Геннадий Корепанов, Тюменской область Дума хотн мўвāt лавālты тāхи кэщā лāнқār хэ Влади-

мир Ковин, Ямал мўв Законодательной Собрания кэщā лāнқār хэ Николай Яшкин па ин тām кўтн Тюменской область кэщā юкана вэлты хэ Владимир Якушев.

Пирисупсэт мāнум юпийн уша йис, хуты мет ар хāннехэ Владимир Якушев Тюменской область мўв Губернатора вэлты пāта ёшпос пунсāt. Щиты тāmхātл тām хэ кāt тāхийн ямсыева елды кэщāя вэлты щира «Единой Россия» партия хāннехуятātн пирисы.

Владимир ЕНОВ

Увās мир хот дыпи пурмāsāt верты питсыйт

Лыпāt тыдāщ 16-мит хātāдн Ёмвош «Торум Маа» йис пурмāsāt āкātты па шавиты тāхийн рэпитты хуятāt «Шуши мир хот дыпийн вэлты пурмāsāt» немпи верāң вāйтантупсы пўншсāt.



Тыв Санкт-Петербург вош, Ёмвош, Сэрхандрайон Угуткэрт, Нуви сāнхум район Касум, Ваньшавāt кэртнāн па Сўмātвош район Хурумпауль кэрт эвāлт йис верāt яма вэты хāннехуятāt āкātсыйт. Няд хātл мār дыв увās мир хот дыпийн вэлты

сыр-сыр пурмāsāt верты вэндтāты питлāt. Тāта кашāң хāннехэ юх эвāлт нялы, эмпи, ан, шар оңāt, пāсан, омāсты пāсан, нурум, нюлхи кар эвāлт хушап верты, сух эвāлт ухшам, хушап ёнтты вера вэндтγйдты веритл.

Олāңмит хātāдн āкātшум увās па мойңа юхтум мир хот дыпийн вэлты пурмāsāt олāңāн арсыр непекāt лўнātсāt. Елдырэпиттыхātлātнсыстам дыл шинв йис верāt яма вэты хāннехуятāt щипурмāsāt верты вэндтāты питлāt.

Ирина САМСОНОВА

Дыпāt тыдāщ 11-мит хātāдн Ёмвош РИЦ «Югра» немуп айкелāt āкātты тāхийн телевиденияйн, радивайн па газета-итн рэпитты хāннехуятāt округев туризм управление тāхи кэщā не Инна Арканова, образования департамент па айдат ёх вэлупсы щир кэщā лāнқār хэ Антон Тимкин па защита прав потребителей управление кэщā хэ Владимир Лопатин пида вāйтантγйдсāt па путремāsāt.

Рўтыщāты верāt олāңāн

Щи вāйтантупсыйн ясāң тэс Инна Арканова, лўв тāmиты лупās:

– Ар пелāk хāннехэ Югра мўвев эвāлт па хон пелкāта рўтыщāты янхлāt. Мўң округева ищиты арсыр хон пелкāt эвāлт хуятāt юхātлāt. Щи пурайн дывела арсыр хурасāң ванлтупсэт щирн мāнты вāйтантупсэт тāта лэщātлўв, лэдн кашāң тыв юхātты хуята эмāщ па ям ат вэс. Дыв мўң хущева арсыр хурамāн хāнты муй вухаль мирнāн пурмāsāt лэтты веритлāt. Мойң ёхлўв шуши мир вэлупсы щирāt вантлāt. Щимāщ рўтыщāты ёх ям арат вух округев вух лўнātты тāхия тэлāt. Щит, ма щиремн, Югра мўвев экономикая вера вэн нётупсы па унтас верл.

Образования департамент па айдат ёх вэлупсы

щир кэщā лāнқār хэ Антон Тимкин айкел верās щипитлāt. Щиты тām пўш дыв округев кэщā не Наталья Комарова пида «Народная» немуп кев реп вэнта мāнты нумās тāйлāt.

Юв олāңāн защита прав потребителей тāхи кэщā хэ Владимир Лопатин айкел āкātты хуятātа путāртās, муй щирн арсыр па хон пелкāта рўтыщāты мāнты пурайн сыр-сыр кашāщты непекāt закон щирн туристической агентствайт хуши лэщātты мосл, лэдн рўтыщāты мāнты хāннехэ мултас вух щит пāта ад сухуптās па яма ат рўтыщās.

Владимир ЕНОВ

Дэхсāңа вэлты емāнхātл вэс

Россия хātл вўраңāн Нижневартовск вошн мўвтел мир дэхсāңа вэлты емāнхātл вэс. Щив округ кэщā не Наталья Комарова па дума ух хэ Борис Хохряков юхтγйдсāңāн. Дын арсыр оса тāхет мир пида вāйтантγйдсāңāн па путремāsāн.

Щи емāнхātлдан юрн хот, башкир мир юрта немпи хот, казак, белорус па па мир хотāt шивалāты рāхās. Кашāң щимāщ тāхийн арсыр мирāt дыв ардад па аякдал, летутлād ванлтāsāt. Тām емāнхātл Нижневартовск вошн

вэлты хāннехуятātн мет мосмантāйды. Тāта и шос шоп мār арсыр мир вэлты щирāt шивалāты рāхл.

Округ дума айкел Хāнты ясāңа тулмащтās Надежда ВАХ

Ин нявремәт рәт ясаң па хон пеләк ясаң иты вәндәләт

Хулимсунт кәртән ма нявремәт вухаль ясаңа па Увәс мирәт литература вәндәтәты не Антонина Николаевна Пуксикова пида путәртсум.



Лүв вухаль семьяйн сема питәс па енмәс. Айтелн нявремәт пида рәпитты дәнхәс. Емвош педучилищайн воспитателя па ай нявремәт вухаль ясаңа вәндәтәты неңа йис. Ши юпийн Хулимсунт кәртән ашколайн рәпитәс па ипуляң Санкт-Петербург вошн А.И. Герцен немпи Российской государственной университетн культуролога па вухаль ясаң тәты неңа вәндәтәләс. Ши юпийн

1998-мит од вүш эвәлт вухаль ясаң урокәт тәс. Ин лапәт мәр 2-3 урок факультатив щирн ләшәтл. Антонина Николаевна ясаң щирн, сырыя аршәк нявремәт рәт ясаң вәндәтәты дәнхәсәт. Ин кашәң од шимла йил, тәмхәтл тәп 5-6 нявремәт вухаль ясаң вәндәтәл.

Хулимсунт ашкола немудт пурайн «национальной» нем ән тәйс, щирн кәшәйт нәмәсләт, мосәң, ән мосл дыв

хушела рәт ясаң урокәт тәты.

Елды А.Н. Пуксикова щиты лупәс:

– *Сыры «Вухаль ясаң» па «Увәс мирәт литература» киникайт рәт ясаң тәйтәты нявремәт пәты хәншмән вәсәт. Ин ши непекаәт хуваәт даваәрт рәт ясаңа ән вәты эвет-пухәт вәндәтәты. Вантә, дыв рәт ясаң ән тәйләт. Шимәш нявремәт вәндәтәты пәта хуән киникайт вохсум, тәм ванән вельщи щитәт мўң хушела китсыйт. Интәм кеншәка йис па нявремәт сәмәңа вухаль ясаң вәндәтәты питсәт. Шеңк шаль, ин нявремәт рәт ясаң па хон пеләк ясаң иты вәндәтәләт.*

Антонина Николаевна лупәс, хуы ин юдн вән хуятәт рәт ясаңән ән путәртләт. Шәтәтәпи эви, Юля Давыдова, ям вухаль ясаң тәйл. Лүв әңкел-әщел пида Няксимволь кәрт эвәлт Хулимсунта касләс, юдн тәп вухаль щирн путәртләт. Елды тыштуман лупәс:

– *Шаль, кашәң од вәна пелка ювум әх айдтыева әнтәма йиләт. Ин Ху-*

лимсунт кәртәвн тәп 2-3 пираш хуят вәд. Ин мўң хушела айдәт әх вухаль ясаң ән тәйләт, щиты ясәв айдтыева вәтшәләв.

Рәт ясаң даваәтәты пәты Антонина Николаевна йис путәрт, моньшәт, арәт нух хәншәл. Ши тумпийн ашколайн нявремәт сәк кәртәтман арсыр хурамәң пурмасәт верты вәндәтәл. Вухаль мир емаңхәтләт ләшәтман эвет-пухәт арәт ариты па якәт якты вәндәтәл.

Шуши мир емаңхәтләт олаңән путәртман А.Н. Пуксиковалупәс, хуы советской лаш пурайн хәнәя Пүпи якхот ләшәтәтәйләс. Юхи хәшчум пүш 1995-мит одн щимәш хот верәнтсы. 1992-мит од вүш эвәлт Вурна хәтл постәты питсы.

Юволаңән Антонина Николаевна лүв семьяйл олаңән ай тәс. Олаң икел вухаль хәя вәс. Дыв юдн рәт ясаңән путәртсәт, щит пәты Алина эвәл па Валера пухл вухаль ясаң яма тәйләңән. Ин кимит икел – рүщ, Антонина лүвәл иши вухаль ясаңа вәндәтәллә. Лүв ин еша уш тәйл, муй олаңән вухаләт путәртләт.

Людмила ШУЛЬГИНА

Тәм вулаң ими олаңән иса нәмты питлүв

Лыпәт тыдәш 12-митн Нижневартоск вошн мет вән киника лүңәтты хот Маргарита Анисимкова немн мәсы.



Ши вулаң хәтләң щәта вәсәт округ дума кәшә хә Борис Хохряков, Нижневартоск вош кәшә Максим Клец па М. Анисимкова эвәл па хилыдал.

Мемориальной сохәл пүншум пурайн Б. Хохряков әктәшум мира лупәс:

– *Маргарита Анисимкова Хәнты-Мансийской округ культура нух алумты вера ар унтас тәс. Лүв арсыр тынәң мойлупсәт, ишәк непекаәт тәйс. Тәп мет дутәң вер*

лүв пәтәда вәс, ләдн лүв хәншум киникайлаәд мирн ат лүңәтсыйт па мосман ат тәйсыйт. Россия мўвев арсыр тәхет эвәлт лүв хушела пищмайт юхтыйдсәт. Хән мўң вәйтәнтыйдсүв, лүв иса ши юхтум пищмайт мәнәма вәндәтәс. Кашәң пурайн ма шайн яньшдтасыюм па мухсәң худәң няньн лапәтсыюм. Лүв кашәң пурайн йилуп киника мәнәма вәндәтәс. Рәпата такды лүв вәдты

ән хошәс.

Тәм вулаң хәтл вүраңән М. Анисимкова йилуп киникайт етсәт. Ши киникайт Нижневартоск вошн вәдты киника лүңәтты хотәта мәсыйт.

Маргарита Анисимкова немн Нижневартоск вош хулы немәтсы. Лүв «Почетный гражданин Нижневартоска» па «Почетный гражданин Ханты-Мансийского округа» немәңән юкантсы.

Округ дума пресслужба айкел Ханты ясаңа тулмәштәс Надежда ВАХ

Ас нопәттү тыләшч 30-мит хәтәлдн нявремәт вәлупсы вәнһдыты не Татьяна Моховикова каш верты хушап унтасн вошәтн па районәтн вәдты айдат ёх пида путәртәс. Тәм ванән дүв рәпиты тәхелдн нявремәт пәты йилуп тәхи пүншсы. Рүш щирн щит Детской общественной совет, округ эвәлт щив хәс кәт вән эви-пух пирысы.

Пушхәт пәты йилуп тәхи версы

Видеоконференцияйн ай ёх стихәт па арәт унтасн ши хуятәт оләңән ям ясәт лупсәт па дыв олңедн ай павәтсәт. Т. Моховикова дывел хәләнтсәлдә па ёхәт лупәс, вошәта па кәртәта яңхтад пурайн немасыя ши эвет па пухәт пида вәйтантыйлдтыпитл, дәдн вәтща мултсәр верәт верты. Шәдта нявремәта карты келхүват путәртты хушапд номер адьсәлдә, дәдн мосты пурайн дүведа ай ат павәтсәт. Дывел ищи партсәлдә дыв номерлад дүведа лупты па Интернет хүват дүведа пищмайт китты пойкак. Нявремәт вәлупсы вәнһдыты тәхи сайт хуши нәдам арсыр вер оләңән хәншды. Омбудсмен немуп не лупәс, эвет па пухәт ищи щив ат хәншдәт, муйсәр верәт дыв щиредн дерамтты мосл.

Лыпәт хойты тыләшчн Калуга вошн РФ нявремәт вәлупсы вәнһдыты хә Павел Астахов мирхот верл. Арсыр мұвәт эвәлт щимәщ верн вәдты ёх шәта яха әктәшдәт. Татьяна Моховикова ши мирхота Никита Сергеев (Сәрханл), Кирилл Мухин (Ёмвош) па Кристина Свечинская (Пойковской) әшкольникәт пида мәнд. **Реональда СУРЕЙСКАЯ**

Хәрәң мұв ими рәт ясәң тәл

Зоя Проскурякова пида Нягань хуши вәйтантыйлдсум, щәта дүв шуши мирәт культура нух алумты хотн рәпитл. Рәпатайл па вәлупсәд оләңән гәзетаева арсыр айт павтәс.

Зоя Ивановна Проскурякова 1950-мит одн Ёмвошн вой-хүд ведпәсдәты хә семьяйн сема питәс. 1968-мит одн дүв Шәншвошн әшкола етшуптәс па ЛГПИ им. А.И. Герцена тәхия вәндтыйлдты мәнәс. Щит етшуптумад юпийн хәт ол Кормужиханка кәртән нявремәт вәндтәс, ёхәт рүтыщәты мәнтал вәнты Нягань вошн ши вер верәс. Яма рәпитмәд пәты ар пұш ишәкты не пекәтн мийлясы.

– Упенәдам иты нявремәт вәндтәты неңа питты нумәс версум. Августа упем ши пурайн комсомол райкомн рәпитәс, дүв унтасәдн экзаменәт Ёмвошн мәсум па Мұдыкәрт эвәлт Ленинграда Нина Лыскова пида мәнсумн па мәнема кеншәк вәс. Вантә, дүв ши пура вәнты па тәхетн вәдяс, ма ай кәртән енмум эви худна немхута ән вәдясум па түтәң әхдәт семн ән вантыйлдсум. Институт юпийн нядьяң ол ай ёх рүш ясәңа па литературә вәндтәсум.

1979-мит одн Кормужиханка эвәлт Нягань воша касәлдсум, ши пурайн тәта апщем вәс. Дүведа па мәнема кәщайт хот пеләк мәсәт. Хотәв дәщкам вәс па әңкем кәт-хәлум ол мұң пиләва вәс. Ши йиснвошн мухәдая хотәт омәсыйт па учительт хотәтн мәты питсыйт. Щиты хотәңа йисум. Вош хуши мет



Зоя Ивановна Проскурякова

сыры оләңмит әшколайн нявремәт вәндтәсум, ёхәт хәтмит әшколайн рәпитсум.

2007-мит одн рүтыщәты мәнсум. Рүтыщәты вухем шимл вәс па нәмәссум, муй щирн елды вәдты? Илатн Любовь Кашлатова Мұдыкәрт хуши нявремәт пәты рүтыщәты тәхи верәс па мәнем хәнты ясәңа ай ёх вәндтәты щив вохсәлдә. Ипұш Гена Дедюхин пух иньщәссем: «Хәнты ясәң вәты ләңхалән?». Дүв лупәс: «Ләңхалум. Әмәщ вәд уша верты, муй оләңән вән ёх күтәдн рәт ясәңән путәртләт».

Ёхәт вошәң ёх уша павәтсәт, хуты Мұдыкәртән ай ёх хәнты ясәңа вәндтәсум па музей кәща не А. Раянова шуши мирәт культура нух алумты хота мәнем рәпитты вохсәлдә. Вошаң вән ёх күтн архуят хәнты ясәң вәты ләңхасәт, кәтләм ол дыв ма хущема яңхсәт. Дыв худыева рәпитләт, щит пәты итәх пурайн юхәтләт, па пурайн ән юхәтләт. Щит пәты вошәң әшколайта хәнты нявремәт кәншты мәнсум. Ёхәт әңкилад ащилал кашасәт, дәдн пушәхлад рәт ясәң ат вәндтәсәт. Щиты 2009-мит ол вұш эвәлт культураев нух алумты хотн ай ёх вәндтәлум.

Рәпитты пәты юкан

хот йиттәйлум, нявремәт вәндтәты щира тәта компьютерәт вәдләт. Дәпәт мәр 10-15-кем хуят оләңмит класс вәнты юхтыйл. Ма хәрәң мұв хәнты, щит пәты эвет па пухәт ши путәр сувн путәртты вәндтәлдәм. Тәм йисн шимл хуят мұң ясневн путәртәд па ши путәр сувн шимл непек етыйл. Щит пәты касум хәнтәт щирн хәншум непекәт ма яснема тулмәщтәлдәм па щитәт посн ай ёх вәндтәлум. Арсыр киникайт тәйлум, мұң ясневн Л. Кашлатова верум словарь, 1942-мит одн П.К. Животиков хәншум непек вәд.

Рәт ясәң тухәлци эвет, пухәт ма хущема хәнты арәт, якәт, амаматщет, моньщәт па стихотворенияйт вәндтәлдәт. Компьютерн рәт мирев арәт тәйлум па дыв пидада щитәт арилдүв. Шәлта ши хушапн хәнты моньщәт па ай нявремәт пәты верум кинайт вантлүв. Ипұш грант вух холумтсүв, щит рүвн «Хәнты мирамаматщет па хәнты моньщәт» немуп вер дәщәтсүв. Нявремәта шеңк әмәщ амамтщет уша верты. Мосл лупты, мұң хотәвн вәндтум арәт па якәт ай хуятлүв емәңхәтләтн ёхәт ариләт па якдәт.

Реональда ОЛЬЗИНА

Айдат хуятат емаңхатл вўранан ма даңхалум и пелак ханты, и пелак юрн неңие Людмила Кечимова олдың нына ханшты. Людмила Дима пухиел пида Когалым вошн вад. Лўв «Лукойл – Западная Сибирь» немпи мўв илпи питы вуй вўты тахийн оператора рэпитл. Там тас ешпи, пасты кўруп айлдат не кашаң ол вўды ех емаңхатлатн вўдыйн кирум ахадн имет кўтн касл. Ши тумпийн каркам не йис щирн вўды сух эвалт ханты мир даматсух ёнтты яма хошл, якты-ариты вер лўвела ищи эмаш. Щит паты Когалым вошн увас хоттел ех кўтн лэщатум касупсийн ванкўтды лўв семьяйлд нух пилд.

Тас ешпи, пасты кўруп неңие

Тови вурна хаталн 1980-мит одн Нуви сажум (ши пурайн Сўматвош) районан Татьяна Владимировна (эви опрач немл Пяк) па Сергей Хомаказович Айваседа пилыенан хуца олдың Людмила нявремие сема питас. Сырья Айваседа хоттел ех Нумто кертан васа. Сергей Хомаказович ашкола етшуптумай юпийн Пулнават вошн кинаальгы хая вандылд. Шипийн реткерткўлуп еша рэпитас. Эхатшак имел пида Касум совхоза рэпитты мансаңан. Лўв – вўдэт давалды хая, имел – юрн хотн пўт кавартты, даматсух пасты па па хот верат таты неңа вас.

Татьяна Владимировна па Сергей Хомаказович хўв мар яха велман хэт няврем енмалсаңан. Олдың Людэ эви, кимит Виталик пух, ши юпийн Наташа эви, шалта Вова пух, ветмит – Кристина па мет ай Артём пух. Интам нявремат иса вана йисат, вэншак ех рэпитлат, айшак хуятат институтн вандылдлат.

Айтелн Людэ эвие Аанчи-аши паты мет вудаңетты хуята вас. Ащел – вўды тащатн, аңкел – тўтўюха, вой муй хўдвелдаслати манл. Щит паты нял-вет тал луват Людэ эвие ашциедал пида юрн хотн вас. Ай тепиет лапатлалдэ, дўхатлалдэ, система даматлалдэ. Аңкел юхи юхатлалн, хотн сыстам, пушхие ищи рома улдат.

Касалты пурайн Людэ Виталик яйел пида ищи вўды ахад тайсаңан. Пурмасат па детутат таты ахда дын телыева вўды оңтат пуныйлсаңан. Вантэ, щит дыв юнтутлад васа. Нявремат яма вайтсэл, муйсароңатмата вўды эвалт вад. Щиты ай пура вўш эвалт дыв вэн хуятата нётсат.

Хэт ол луваттийн Людмила ашкола манас. Вандтаты вер лўв самана тайсалдэ. Мет эмаш лўвела биология, химия урокнан васаңан. Вантэ, вўдең хоттел ехн енмум нявремие айтелн мўвев-ийнкев шавиман тайты вандтасы. Шалта спортивной тахия ипўша янхас, лўхн яма хататляс, волейбол, баскетбол щирн юнтты лўвела ищи эмаш вас. Ши тумпийн «Разноцветные краски края» немпи араң-яканд тахия янхас. Каша неңан тата В.М. Вокуева па С.М. Каксина васаңан. Мосаң, щит паты вана ювмалн Людмила ариты-якты вер велупсэл хўват таты питас.

Айтелн Людмила Амир лекщитты па ямалды неңа итиылдаңхас. Ихушьян класс етшуптум юпийн пиднедал пида Емвоша юхтас. Сырья эвиет медучилищия манса. Топ дыв щив ан вўсийт. Вантэ, лўң пурайн пириты комиссия ех Нуви сажум района юхтылдэ, ши нявремат, хуятат тохтўра ииты ланхасат – дыв эвалтэла вохты непекат вўсат. Людэ ши

олдың ан вайтсалдэ, щит паты Емвошн медучилищия лўв ан вўсы. Муй верты? Людэ педучилищия ариты па нарасты юхн юнтты вера вандтылдты манас. Тага нумсаң айлат эви щикўш яма вандтылдэ, топ самла нарасты вер ан хойс. Щит паты Людмила юхи керлас. Рет кертан лўв кўлупн рэпитас, ахат икия манас.

Мосл ястаты, интам лўв институтн мўвев-ийнкев шавиты, система тайты верат таты ханнехэ вандтылд.

Вўтвош кертан рэпитман Людмила Владимир Кечимов пида вотаңа йис. Ши пурайн Владимир ретлад пида Когалым вош пўналн вўдэт давалман вас. Имухты ханты хэ каркам неңие рет мўва таслэ. Эхатшак айлат хоттел ех хуци Дима пушхие сема питас. Мосл ястаты, олдың пилыенан нявремие пида вентан васаңан. Владимир – вўдэт давалман, Людмила – хот рэпата верман. Шалта Дима нял тал вўша ювмалн дыв воша касалдэ. Пушхие ясли-хота янхты питас, Людмила «Лукойл – Западная Сибирь» мўв илпи питы вуй вўты тахия рэпитты манас. Там хатл венты ханты неңие щата рэпитл. Дима пухиел там одн хэт класс етшуптас.

Айтелн Людмила Аанкел, щасел педа вантман ентасты вер яма вадэ. Вет ол луваттийн лўв аңкиела вўды сух эвалт

даматсух ёнтты нётас. Вэн ими ваньшасас, эвие – сухат ияха ёнтас. Щит паты там йисн сах, молшан, вейт, нюки вейт, пуркайт ёнтты лўвел немалт давалрт антэм. Рўтыщаты хатлатн Людмила верды иса ан омасл. Ентасты, сак каратты вер лўвела вэн амат тэд.

Людмила кашан ол Когалым вошн вўды ех емаңхатлатн имет кўтн касты питас. Эхат Нумто кертан, Надым вошн, Касум мўвн лэщатум вўдең ех касупсета ищи янхты питас. Там апран, савар-вавар айлат неңие ар пўш олдыңмит тахет вўйляс. Ям аратишак непекат, тынаң мойлупсэт еша павтылдэ. Ши тумпийн Когалым вошн лэщатум увас хоттел ех кўтн касупсийн ищи кашан ол пухиел пида мир ещад арилданан, якланан, йис щирн ёнтум хураман даматсухат альданан.

Эмаш, хути Дима пухие аңкел педа вантман немалт едем ан тайл. Тал пурайн лўв аңкиелн ёнтум молшанан, вейн вош хўват янхты веритл. Хэякатищи яма вад. Щит паты увас мир емаңхатлатн аңкиел пида якты па ариты вер вандтал.

Ма там сора ешпи пасты, кўруп неңия вўща яснат китлум па ланхалум яма, таса, каша-маш ан вантман елды вадты. Увас мир йис верат тўншираңа, ям нумасн елды таты. Хоттел ехланан давалман па мосман ат тайлдын.

Ирина САМСОНОВА



Ёмвошн дыпӕт тылӕщ олаӕмит хӕтлӕн Вурщик хӕтл постӕсы. Тӕм емӕнхӕтл «Торум Маа» пурмӕсӕт шавиты тӕхийн 2010-мит вӕш эвӕлт верты питсы. Шци емӕнхӕтл иса мӕвтел мир нявремӕт давӕлды хӕтлӕн вӕдлӕд. Шит пӕта музей тӕхийн рӕпитты хуятӕт ай пушхӕт пӕта сыр-сыр юнтупсӕт па кӕсупсӕт лӕщӕтлӕт.

Муй щирн Вурщик хӕтл мӕнӕс

Увӕс мир пӕта тӕм ай тухлӕн воие вӕн амтупсы тӕл. Хӕн юханӕтн еӕк дудӕты па нопӕтты пӕра яйд, ай вурщик воие юхӕтл. Мирлуплӕт, мӕтты хӕн ши ай тухлӕн воие нум мӕвӕт эвӕлт юхӕтл, дӕнхӕтлӕт пӕнӕн тӕл. Лӕв онедн пугӕртлӕт: «*Вурщик воие дывӕднӕкшӕка сеӕкӕл*». Па йис пӕра вӕш эвӕлт кондинской вухаль ӕх ши тухлӕн воие пӕта емӕнхӕтл верӕнтлӕт.

Вурщик олаӕнн йис пугӕрт хӕншты вухаль ими Анна Митрофановна Конькова моньщ хӕншӕс. Шци моньщ хӕват ям-сыева уша верты рӕхл, муй щирн тӕм емӕнхӕтл постӕты мосл.

Рӕтыщӕты хӕтлӕн «Торум Маа» тӕхийн вӕн па айлат хуятӕт ӕктӕщӕт. Олаӕнн нявремӕт арсыр щирн юнтсӕт па охӕд шӕпи навӕрсӕт.

Щӕдта вурщик имие етӕс па мойӕн хуятӕта тӕм йис емӕнхӕтл олаӕнн

пугӕртӕс. Лӕв нявремӕт тухлӕн войт олаӕнн стихӕт дӕнхӕтты вохсӕлӕ. Пушхиет вӕн аматн юхтум мойӕн мир ещӕлт арсыр ущхуль пугӕрт, стихӕт пугӕртсӕт.

Шит етшум кемн дыв па ши юнтты па кӕсты мӕнӕсӕт: ӕхӕл шӕпи навӕрсӕт, кел талман ӕращӕт. Шци юпийн па мет тӕса наврум па юнтум, стихӕт дӕнтум ӕх мойлупсӕтн мойлӕсыйт.

Юволаӕнн па дыв еплӕн нянӕн, мӕвӕтн дӕпӕтсыйт, каврум шайн яньщлӕтсыйт.

Вӕн хуятӕт па пушхӕт пӕта тӕм емӕнхӕтл шеӕк ӕмща па амтӕна мӕнӕс!

Тӕм йисн арсыр шуши емӕнхӕтлӕт постӕты питсыйт. Шци вер шеӕк ям! Йис верӕт худт ӕн вӕшлӕт.

Надежда
ВАХ



«III Школа мастеров по изготовлению и обучению игре на музыкальных инструментах» – тэмэщ немуп вэндтупсы лэпэт тылэщ 4-7-мит хэтлэтн Ёмвошн вэс. Мет олаңан щимэщ вер 2010-мит одн верэнтсы, ши пурайн вертутэң эх нарэсьюх, санквылтап па пеньшар верты па щитэтн нарэсты вэндтыйдсэт. 2012-мит одн щимэщ вэндтупсыин шуши эх па па мир тумран версэт па щитн юнтты вэндтыйдсэт.

Нарэсьюхэт версэт па юнтты вэндтыйдсэт

Тэмпүш Ёмвошн 18 хуят Сэрханл, Нуви сәнхум, Сүмэтвош, Кондинской па Ёмвош районэт эвэлт актэщидсэт. Щитэт тухэлпи Ёмвош па Пулнават вош эвэлт неңэт па хэйт вэсэт. Нял хэтл мэр Сергей Кечимов (Сэрханл район, Рускинская), Анатолий Вадичупов (Ёмвош район, Шапша) па Герман Хатанзеев (Сүмэтвош район, Саранпауль) шуши эх па нүм мўв хәннехэйт нохэр юх па хэл юх эвэлт нарэсьюх верты вэндтэсэт. Дмитрий Нимперов мирхотэң мир нын юхн юнтты вэндтэс. Катрайн нын юхн тэп неңэт юнтсэт, тэм йисн хэ эх иши нарэсдэт. Мет ар хуят хэтл етты пелэк мўвн щит верты хошлэт, щит пэты Дмитрий Данилович Нимперов Сэрханл район Нижнесортымской кэрт эвэлт вэндтупсыя вохсы.

Олаң хэтэдн Алексей

Рещиков вертутэң па вэндтыйдты эха ай павтэс, муйсэр нарэсьюхэт шуши мир тэйлэт па муй щирн щитэтн дыв нарэсдэт. Ши юпийн мирхотэң эх нарэсты юхэт верты пиньщэсэт, хэнтэ хэ Сергей Кечимов нын юх верты вэндтэс, вухаль хэ Анатолий Вадичупов мира ванлтэс, муй вўрн нэрнэ йив верты мосл. Айлат эх вэндтэты тухэлпи ши хэйңан нарэсьюх иши версэңан. Вэндтылум эх кўтн Марина Горшкова айлат не вэс, лўв хэ хуятэт иты иши нын юх верэс. Нялхэтл мэр верум нарэсьюхэт вертутэң эх эхэт финно-угрэт актыариты хэрен Творческое объединение «Культура» немуп хота мойдэсэт.

Реональда
СУРЕЙСКАЯ



Апрәң финно-угрәт

Кимит од «Финляндия-Россия» оса тәхи ёх «Роль общественных организаций в сохранении финно-угорских языков и культур» немпи вәндтәты вер дэщәтләт. Тәм одн ши вәндтәты тәхи кәт щирн: товилүнән па сүсн дэщәтсы. Вәндтәты верәт әхтыйн кәщяя Финляндия мұвн вәдты хә Рикку Савонен вәд.

Одәңмит вәндтәты хәтләт лыпәттыдәш Мордовия мұвн версыйт. Тыв Финляндия, Мордовия, Удмуртия, Марий Эл, Коми, Карелия, Ненецкой па Югра мұвәт, Тверской область, Санкт-Петербург па Москва вошәт эвәлт 34 апрәң хәннехә юхтәс. Югра мұв Ас-угорской айдат ёх эвәлт тәм пұш Диана Букаринова, Алла Иштимирова-Посохова, Лариса Милахова, Антон Нахрәчәк па Ирина Самсонова щив пирысыйт.

Сырыя мойңа юхтум хуятәт ещәлт тәм вәндтәты вер дэщәтты кәщя хә Рикку Савонен, дәңкәр хә Алексей Конюхов па финно-угорской культура верәт әхтыйн Поволжской тәхикәщя ики Юрий Мишанин вұщя яснәт лупсәт. Ши юпийн Мордовской университетн рәпитты профессор ики, «Финно-угорской мир» журнал-непек редактор хә Владимир Абрамов путәртәс, муйсәр финно-

угорской оса тәхет Мордовия мұвн вәдләт па муй щирн рәпата тәләт.

Әхәт әктәшум финно-угорской ёх хәлүм щира ортсыйт: «Рәтясәң» (кәщя

Татьяна Волкова), «Айкел кәншты па хәншты вер» (кәщя Наталья Севец-Ермолина) па «Менеджмент» (Александр Ефремов). Тәта кашәң хәннехә лұв олңедн айкел тәс, путәртәс, муйсәр әмәщ проект вер лұв рәт мұвн дэщәтәс. Итәх ёх, тәп тыв юхәтмед юпийн уша павәтсәт, муй щирн арсы проектәт тунщираңа непека хәншты мосл.

Ши тумпийн әктәшум мира путәртсы, муй щирн вошәтн па кәртәтн финно-угорской яснәт вәндтәты, хутыса йилуп щирн яснәт давәдман елды тәты па муй щирн интернетн ши верәт дэщәтман вәдләт. Эконо-



Вәйтәнтупсы пұншум пурайн. Ям пелакн вәндтәты вер дэщәтты хә Рикку Савонен.

Мордовия мұвн вәйтәнтыйлсәт

мической па социальной верәт оләңән ищи ясәң тәсы, хутыса мойңа юхтум мир пәты рұтыщәты тәхет лэщәтты. Айкеләт кәншты па хәншты верәт оләңән, хутыса йилуп щирн финно-угорской культура верәт елды тәты.

Ювәдәңән кашәң тәхи ёх мет әмәщ проектәт вәндтәсәт. Тывум верәт әнтә тәп рәт мұвн дэщәтты рәхл – мет оләң вер, ләдн арсыр тәхетн вәдты финно-угорской мир ияха дэщәтум верәт елды ат тәсәт.

Мосдәстәты, вәндтәты верәт тумпийн мойңа юхтум ёх Саранск вош йис пурмәсәт әкәтты па шавиты тәхия, культу-

ра хота тәтләсыйт, ләдн вәндтәты, муй щирн мордва мир вәд, муйсәр арәт арийл, муйсәр ләмәтсухәт тәйл. «Торама» па «Мерема» аритыякты тәхәңән мордва ёх щимурт хурәмәңа арисәт па яксәт, алпа, кашәң хуят ши оләңән хұв мәр нәмты питл. Ши тумпийн Подлесная Тавла немпи йис кәрта тәтләсыюв. Шәта юх эвәлт арсыр пурмәсәт верты әшкола-искусства нявремәт пәты рәпитл.

Мәнәма Мордовия мұвн шеңк әмәщ вәс. Кимит вәндтәты хәтләт лыпәт хойты тыдәш Удмуртия мұвн лэщәтлүйт.

Ирина САМСОНОВА



Мұң семинар дэщәтум ёх пида



Югра мұв эвәлт юхтум айдәт ёх як хот вәндтәләт

Сытомино кэрта яңхемн ма ар од ай деккара рэпитум ими Любовь Николаевна Сенгепова пида вэйтантайдсум. Сўс пурайн лыпәт хойты тыләщ яңмит хәтлән аләңа аңкел-ашел Демаң дорн сўмәт пай хуца тухлудан вәснән, хән Нуви Тәрум идпийн мет ай эви семңад пуншәс, Люба немн мәсы.

Нялъяңкем од ай деккара рэпитәс

Ащел Николай Тимофеевич Сенгепов, дўв рәтл Касум мўв лаль пурайн тыв, Демаң мўва, касләс. Аңкел Мария Тимофеевна Тоярова Лорвош район Кунавәт мўв эвәлт вәс. Дын ар няврем енмәлсәңән. Люба – мет ай эви, дўв хәлум яй па кәт упи тәйс, щит Анастасия, Татьяна, Василий, Юрий па Ефим, ин атәлт хәшәс. Аңкел ар няврем тәйты пәты «Материнская слава» хәлум мевл пост тәйс.

Ашкола етшуптумал Аюпийн Люба Ёмвош медучилищайн ай тохтўра вәндтыләс. Щи пурайн аңкел шеңк мәшитәс, щирн и од аңкел вантман па тәйман юдн вәс.

Непекәңа ювмал юпийн айдат Люба Сўмәтвош район Кимкьясуи кэрта рэпитты китсы, щәта айдат эви мет ай нявремәттәйты хотни од мәр кашая вәс. Щи одлад щиты нәмләдлә: «Мәнема әмәщ вәс вухаль мир күтн вәлты па рэпитты, вельщи вантсум, муй щирн дыв Пўпи якхот ләщәтләт».

Щәлта ащелн юхи вохсы, вантә, дўв мәшәңа йис. Любовь Николаевна щиты лупәс: «Ма айтелн ай тохтўра йиты ләңхасум, мәшәң хәннехә педы шаль вантты вәс. Мўң вән семьяевн ма мет ай эви, щирн ма немасыя ай тохтўра вәндтылдсум па веритсум мәшәң аңкем-ашем вантман тәйты, декщитты». Ащел нивәлдяң од вәнты вәс, тәп юхи хәщум хәс хәлум одмәр семдыпитәс. Люба Сытомино рәт кәртада керләс, ащел вантман тәйс па ипуляң рәпата кәншәс, вантә, тәта ай тохтўр ән мосәс. Щирн сыры ям арат од хўд велпәслаты тәхийн рэпитәс, щәлта

хәлумьяң од пәдницайн ай деккара вәс. Пенсия мәнмәлн йилпа рэпитты вохсы, яңкем од Любовь Николаевна вәндат медсестра вәс. Тәмванән пенсия мәнәс. Рәпатайл одәңән щиты нәмәлмәс: «Рэпитмемн ма уша версум, хәнтәт ванкўтды мәшәң мухәд тәйләт, щит түмпийн сем, пәд мәш, күр-еш йит кәши тәйләт, ин шимд хуяттурәх мөшн мәшитл. Юхи хәщум оләтн мўв-аватхәләңа йис, щит пәты әнтә тәп хәнтәт, ар хуят рак пәлтәп мәш тәйты питсәт».

Елды Любовь Николаевна дўв семьяйл одәңән путәртәс. Икем – рўщ, немд Игорь Иванович Кузнецов. Икем аңкаңкел ищи хәнты не вәс, тәп катра пурайн щит одәңән паспорт непекн ән хәншысы. Любовь Николаевна икел пида вет няврем енмәлтәс, хәлум эви па кәт пух, щит Людмила, Мария, Ольга, Николай па Иван. Людмила дапәт од Москва вошн вәндтыләс, ин «Сургутнефтегаз» тәхийн оддел хуца кәщая вәд. Мария па Ольга Тюменьн вәндтылдсәңән. Мария Сәрхант район кәщайт рэпитты хотн юриста рэпитәс, ин икел пида Новосибирск воша вәлты



Сытомино кәрт хәнты имет Любовь Сенгепова, Прасковья Воронина (Тарлина), Марина Савчук (Сенгепова) па Зоя Молданова

па рэпитты мәнәс. Оля пәдницайн программиста рэпитл. Иван пухд аңкел иты Сургутской университетн деккара вәндтыләс. Дўв одңалн Л.Н. Сенгепова щиты лупәс: «Иван пухем шеңк хәнты мир культура педы сәмәң, Ас-угорской айдат ёх тәхия дўнман вәд, арсыр верәт тәты нәтл».

Ин кәт эвеңәд икеңа йиснәң, нявремәт енмәләңән. Любовь Николаевна ин няд хилы тәйл, кәт хилы па кәт хилне.

Мәнема әмәщ уша ширн Сытомино кәртан хәнтәт вәлдәт. Любовь Николаевна щиты лупәс: «Ма щиремн, Сытомино кәртан хәнтәт яма вәлдәт. Мўң хуцева вәлты хәнтәт хуध्येва рэпитләт, ям хотәт тәйләт».

Рәпата әнтәйты хәнтәт вой-хўд велпәслудман, арсыр воньщўмутәт әкәтман па тыныман вәлдәт. Сытомино кәртан икет мосты пурайн Ас хўдәт велпәслаты пәты арсыр непекәт әкәтләт, ләдн елды рәхты непекәт еша холумтты.

Юхи хәщум оләтн кәртәң хәнтәт нявремәд пида ияха Демаң юхәна емәң тәхия яңхийлләт, әктәщман арсыр верәт одәңән путәртләт, пойкачаләт па йир верләт. Вән хуятәт шеңкләңхаләт, ләдн нявремлўв щит йис верәт уша ат павәтсәт, ат вәндтылдсәт.

Ин рўтщуман Любовь Николаевна

хәнтәта арсыр емәңхәтләт ләщәтты нәтл, «Әмәщ не» ариты имет пида арийл, якәл, арсыр вошәта муй кәртәта яңхийл. Щиты 2009-мит одн Лорвош район «Ван рәтәт» фестивалә яңхәс па щәта аңкел рәтәт Тояровәт па Шульгинәт вәйтәс. Щитүмпийн Любовь Николаевна хәнты ернасәт, щәшкан сәхәт әнтәл, сәмәңа тәйл «Хәнты ясәң» газетаев па хәнты ясәңән етум киникайт лўнәтты, дўңән па сўсн воньщўмутәт әкәтл. Ин кәртан хәйн Василий Молдановән тунты эвәлт арсыр пурмәсәт верты вәндтәды, щит анәт-сәнәт, йиңләт, хинтәт па па утәт.

Нялъяңкем од мәр мир ямалтумал пәты Любовь Николаевна Сенгепова «Ветеран труда Ханты-Мансийского автономного округа» нем па арсыр ишәкты непекәт тәйл. 2009-мит одн ар няврем енмәлтмәл пәты «Материнская слава» мевлпосн мойләсы.

Мир ямалты ёх емәңхәтл пәты мўң Любовь Николаевна вән пәмәщипа лупты ләңхалўв па ям ясәт китты. Хўв йис нәпәт яма вәлты кәши-мәшән вантман, елды ям нумәсн хәнты мир культура елды тўва!

Л.Н. Сенгепова
пида путәртәс
Людмила ШУЛЬГИНА

Ай кер тыдэщ Ёмвошн увэс мир якэта вэндтум пу-
райн ма вэна пелка ювум ханты ими Мария Яков-
левна Сенгепова пида вэтаңа йисум. Лүв Сытоми-
но кэртэн вэд. Ар ол мэр М.Я. Сенгепова нявремэт
давэдман садикэн рэпитэс. Рүтьщэты вүша ювмэдн
ханты имие кўлупа рэпитты вохсы. Щэта лүв
«Лэңханьшуп» немпи арэң-якэң тэхи пүншэс. Эвиет
ханты мир якэта, арэта, йис щирн карты сэвэт верты
вэндтэс. Интэм Мария Яковлевна Сытомино кэрт
«Эмэщ не» ариты-якты тэхия лўнман вэд.

Вэн хуятдал партум щирн вэд



Аңкел - Матрена Ефимовна (ашел щирн Ван-
дымова), ашел - Яков Иванович Сенгеповэңн
вэсэңн. Хэн щатщацидал па аңщацидал кулак
эх иты кэсна хота тэсыит, аңкел-ашел Касум мўв
эвэлт Лямин юхэна касэлсэңн. Щит пэты аңкел-
ашел катра пура вүш эвэлт Лямин юхэн хонаңн
Дарко-Горшково кэртэн вэсэңн. Щэдта вошэл лэп
тэхарсы, дывСытомина тэсыит. Интэм кэртэн
ханты хуятэт антэм, мет вэна ювум неңнэн Лю-
бовь па Мария Сенгеповэңн.

Дыв семьяелн дапэт няврем вэс. Ин тэп кэт не
хэщсэңн. Вэн упел Евдокия Тверской областэн
вэд. Лүв ищи пенсия мэнэс. Хүв мўвн щикўш
вэд, тэп сэмэдн рэт мўвэла талды. Лүв
пилэла лупл: «Нэң мэнэма ханты ернэс
энта, ма сэмем шеңк лэңхэл ханты
лэмэтсүх тайты».

АЙЛАТ ПУРА ОЛАН

Мария Яковлевна 1947-мит ол Ас нопэтты
тыдэщ олаңмит хэтэдн сема питэс. Вэншэка
ювмэдн лүв аңкиел эвэлт иньшэсты питэс:
«Аңкие, муй вўрн ма нэң хушена юхэтсум?»
Аңкиел юхды лупэл: «Нэң доңыз пайт
вэдты эхумхэрыя кэтурты воньшўмутэң
лыптэт иты лухэңнэн, эшн кэт воньшўмутэң
нўвнэң катэдман ма хушема щи юхэтсэн».

Айтэдн Мария эвие апрэң па нумсэң няврема вэс. Ащелкэтсоткем вўлы тайс. Эвие ипўша ащел эвэлт арсыр верэт олаңн иньшэсэс:
муй пэты вўлэт тайдайт, муй пэты дыв ханшэңэт,
муя дыведа щи луват онтэт мослэт.

Ай пурайд олаңн Мария Яковлевна щиты нэмэдмэслэ:
«Аңкем-ашем пида дор хонаңа холуп омэсты юхэтлўв.

Аңкем лупл: «Хошум йиңк кавэртты мэр хинтэт вўята па сора воньшўмут воньшэты».
Мўң вэнта хэхэдман мэнлўв па сора-сора сэвупсы муй шэмшивоньшлўв. Щэдта ратхэр хонаңа юхэтлўв,
ашел хинт пела вантман лупл: «Нын вера пэсты эш щи тайлэты, щи арат воньшўмут воньшэсты».
Ма амэтлум панэмэслум: «Вэна йилум ищиты сора воньшэты питлум. Вантэ, ащем ям ясэңэт лупэс».

ВЭНДТЫЙЛТЫ ОЛЛАЛ ОЛАН

Няд класс вэнты Мария Дарко-Горшково ашколайн вэндтылэс. Елды нивл класс вэнты Лямино вош интернатн вэс. Щи пурайн нявремэт аңкидал-ащидал эвэлт хўва тэтлэсыит. Интернатн вэдмел мэр нявремэт энмэлды эх пушхиет пела вера хишумсэт: рэт ясэңэн путэртты, ханты

лэмэтсүхн яңхты иса ант эсэлсэйт. Щит пэты ар пелэк йис верэт щи нявремэт худт юремэсэт. Вэн хуятдал щикўш моньшэты, йис путрэт, пўпи арэт вэсэт, тэп щи олаңн уша павэтты сырыя мосэс.

РЭПАТА ОЛЛАЛ ОЛАН

Ашкола юпийн Мария Яковлевна Ёмвош педучилищя вэндтылты юхтэс, нумэсн па культпросвета мэнты лэңхэс. Вантэ, кэтрўщ пилнеңнэн сырышэк Пулнавэт воша мэнсэңн. Айлат Мария эви вэн воша ант яңхэс, вера пакнэс, муй вўрн ателт щи луват хўв мўва мэнты? Щит пэты лүв Ёмвош вэнты тэп юхтэс. Тэта кэт-хэлум тыдэщ мэр вэдмэл юпийн юхды керлэс. Щэдта Тюмень воша кўлуп рэпатнека вэндтылты китсы. Эхэтшэк Мария Яковлевна ясли-хота хэтл мэр нявремэт давэлты вохсы. Щи пура вўш эвэлт хэлумъяң мулдас ол ханты имие пушхит пела рэпитэс. Вэншэк нявремэт ханты ясэңа вэндтэс, увэс мир йис верэт олаңн дыведа айкел тэс, моньшэты путэртэс па энтэсты вер ванлтэс. Ханты мир моньш хўват спектаклят лэщэтэс. Нявремэта шеңк эмэщ вэс. Щи тумпийн ипўша пушхиет вэндтэс мўвев-йиңкев па иса енумты угэт шавиман тайты, юх нўвэт леваса

аң шукатты, лэдн елды вэлупсы хўват нявремэт щи ям нумсэт ат тайсэт.

Рүтьшэты хэтлэт олаңн Мария Яковлевна щиты лупэс: «Катрашэк семнэлам яма кэлсэңн, щит пэты рүтьшэты айд вэдты хэтлэтн ма сэк кэрэтсум, аканьт, намтэт, тўтщэң хирэт па па ай пурмэсэт энтыйлсум. Интэм семнэлам вевтама йисэңн, якты па ариты мэнэма тэп рэхл. Интэм мўң ветеранэт совет эх «Серебряной карусель» немпи арэң тэхи лэщэтсэт. Ма ищи щив яңхлум, рўщ пирэщ имет пида арэт арилум. Щит пэты юдн омэсты кэм антэм. Сўсн воньшўмут етты пурайн мўң ияха ақтэщлўв па эхум мўва воньшўмут воньшэты яңхлўв».

Нявремэт пида рэпитмал мэр Мария Яковлевна кашэңтовийн «Вурца хэтл» лэщэтылэс. Щэдта кэртэң имет пида юхэнэт пелка питты артэн яң кевэт поры верантыйлсэт. Сўсн васы мэнты тыдэщн ищи пэсан лэщэтылсэт. Вантэ, лўң мэр тэлаңа патўна мэнэс: хўл вэдпэслэты хэ хўлэт вэлпэслэс, вой вэдпэслэты хэвойт вэдэс. Йиңк эхтыйн арум верэн тывилэс, щи ям верн поры верантыйлты мосл.

Ипўш ханты имие вэн сорт ух эша павэтэс. Сорт ух вэдты кашэң лўв нух лэщэтсэлэ па музей тэслэ. Вантэ, катра пурайн аңкел-ашел сорт ух эвэлт хошум йиңк яныщман Ма-

рия эвие ипўша иньшасӓс: «Тӓм муйсӓр лўв? Ма ширемн, кўншкар хура- суп». Вӓн хуятлад яма путӓртсӓт, хуты кашӓн лўв нем тӓйл. Ньявремӓта ши олдӓнн шенк ӓмӓш уша павӓтты.

Мария Яковлевна пидыед хӓт од юхды ӓнтӓма йис. Ияха вӓдман мӓр дын кӓт эви енмӓлтсӓнн. Интӓм вӓн эви нядьян хӓт тӓлда, ай эви хӓлუმьян ода йиснӓн. Дын китумтак хоттел ӓх пидӓ Сӓрхӓнд вошн вӓлдӓнн па рӓпитлӓнн.

Юволӓнн Мария Яковлевна щиты лупӓс: «Катра мўн вошӓвн вӓдмевн рӓт мирӓв шенк яма вӓсӓт. Мӓта хӓнты хуят хўд катӓлдӓ ки, щит иса вошӓв мир кўтн ортлӓлдӓ. Вой павтӓс ки, ищиты кашӓн хота нюхи пулые тӓс. Айтелн ӓнкетм-ӓшем ӓвӓлт иньшӓссум: «Муй пӓты иса мира нюхи муй хўд мӓты мосл?» Дын юхды луплӓнн: «Эвие, па щосн, мосӓн, мўн ӓша немӓлт ӓн павӓтлўв – дыв мўнӓва нӓтлӓт. Щит пӓты хот пуӓдн вӓлты хӓнтӓт хӓнты пурайн ад юремалн. Вӓна йидан – ищиты мирӓва нӓтӓсман вӓда!» Шӓлдта воньщўмут воньщты мӓнлўв ки, муй арат воньщўмут леты веритлўв, ши арат воньщлўв. Юх нўвӓт ищи нартама ӓн мӓрӓтсўв.

Ма ин вӓнты ши нумӓс така тӓйдем. Вӓнта юхӓттемн сўмӓт нўв ӓд ӓн шукӓтлум. Мӓрӓтлум ки, пойкшӓлум, хуты ма ям нумӓсн тӓм нўвие мӓрӓтсум. Щиты вӓн хуятламн вӓндтасӓюм. Тӓм нӓпта питум артӓн мирӓв ши вер юремӓты питсӓт. Ма ширемн, йис хӓнтылўв ям верӓт елды тӓты мосл».

Мўн, «Хӓнты ясӓн» газетайн рӓпитты ӓх, Мария Яковлевная вўща яснӓт китлўв! Кашӓн хӓтл нӓн пӓтӓна амтӓна ат вӓд! Тӓлана, пишӓна, ям нумӓсн ищисӓты елды вӓлты, нявремланн лавӓлман, мосман па сӓмӓна ӓт тӓйлдйн.

Ирина САМСОНОВА

Вудӓн учӓной хӓ 75-мит од постӓс

Ас нопӓтты тылӓщ 28-мит хӓтӓдн Ӑмвошн Югорской университетӓн айдат ӓх финно-угорской мирӓт яснӓта вӓндтӓты вудӓн учӓной хӓ, филологической наукайт доктор, профессор Евгений Александрович Игушев 75-мит од постӓс. Щит пӓта университет непекӓт лўнӓтты хот йитн немасья арсыр лўв пилӓда рӓпитты хӓннехуятӓт ияха ӓктӓщийлсӓт па тӓм сема питум учӓной икия ям вўща яснӓт лупсӓт.

Евгений Игушев вӓлупсы хўватн шенк ар наука ширн мӓнты сырсыр рӓпатайт лўв сӓран мирл олдӓнн хӓншӓс. Тӓмхӓтл лўв арсыр вошӓтн па мўвӓтн яма вӓйтлы. Тӓм вӓндт хӓ ай кер тылӓщ яртъянмит хӓтӓдн 1939-мит одн Пожня кӓртӓн Ижемской (йилдўп ширн Сосногорской) районӓн Коми АССР мўвн вўды ташн янхты ӓх хоттел хуци сема питӓс. Ӑшкола лапӓтмит класс юпийн 1957-мит одн лўв

Ухтинской горно-нефтяной техникумн вӓндтылӓс. Ӑхӓт, 1963-мит одн, историко-филологической факультет Коми государственной институтн етшуптӓс па ши юпийн рӓт яснӓда па литературӓя айдат ӓх ӓшколайн вӓндтуман рӓпитӓс.

Шӓлдта 1969-мит одл вўш ӓвӓлт Коми мўв научной академия филиал тӓхийн рӓпитты питӓс. Ӑша вӓс 1973-мит одн Эстония мўвн Тарту вошн филологической наукайт кандидат нем холумтӓс. Ӑхӓт



Е.А. Игушев

1991-мит одн ищи тӓхелн докторской диссертация непек ӓша павтӓс.

Е.А. Игушев нядсот мултас рӓпата финно-угорской мирӓт яснӓт пӓта хӓншӓс. Ши утӓт кўтн вера ар нумсӓн непек сӓран, хӓнты па вухаль па па мир айдат ӓх рӓт яснӓда вӓндтӓты щирӓт. Тӓмхӓтл вӓндт учӓной хӓ Ӑмвошн вӓд па айдат хуятӓт пидӓ Югорской университетн рӓпитл.

Владимир ЕНОВ

Йилдўп музей хот йит пўншсы

Тӓта мосвӓнн Ас нопӓтты тылӓщ 29-мит хӓтӓдн Ӑмвошн Ас-угорской институт киникайт лўнӓтты хотн йилдўп музей хот йит пўншсы. Ши тӓхи образования па наука общественной верӓт тӓйты хота немӓтсы.

Ияха ӓктӓщум хӓннехуятӓт едпийн олдӓн ясӓн музей пӓта Ас-угорской институт кӓща не **Виктория Сподина** тӓс:

– Мўн лӓщӓтум музей хот йитӓв хӓнты, вухаль па юрн мир вудӓн учӓнойт вӓлупсы па рӓпатайт олдӓнн нынӓна айкелӓт тӓты питл. Тӓта нын веритлӓты вантты, муйсӓр киникайт дыв вӓлты хўватн наука ширн хӓншӓсӓт. Ши тумпийн кашӓн ай муй вӓн пурмӓсые, мӓта утӓт дыв

вӓлмед пурайн тӓйсӓт. Ма лӓнхалум лупты, хуты Нуви сӓнхум вошн рӓпитты фольклорной отдел хот Ева Шмидт шӓнӓт немн юкӓнтсы, Варьӓган кӓртӓн пўншум йис пурмӓсӓт шавиты хот Юрий Вӓлла шӓнӓт немн альсы. Тӓмӓщ музей хотӓт, ма ширемн, вера мослӓт. Айдат ӓхлўв, мосӓн, елды тӓм учӓной ӓх, рӓпатайт пӓда вантман, ищиты наука верӓта катлӓсӓт па дыв нумӓслад елды тӓдӓт.

Юволӓнн Ас-угорской

институт киникайт лўнӓтты хот йит кӓща не **Елена Степанова** музей олдӓнн айкел верӓс па путӓртӓс:

– Учӓной совет, мӓта ут мўн хущева вӓд, дыпӓт хойты тылӓщ 27-мит хӓтӓдн 2013-мит одн нумӓс пунӓс тӓмӓщ «Образования па наука» хот йит лӓщӓтты. Тӓта олдӓн хӓнты мир учӓной хӓ **Николай Терӓшкин**, **Геннадий Бардин** па **Алексей Сенгепов**, юрн ӓхлўв поэт па наука ширн арсыр рӓпатайт верум ӓх **Юрий Вӓлла** па па шуши мирлўв вудӓн учӓнойт хӓншум рӓпатайт па дыв тӓюм пурмӓслад шавиман тӓйты питлўв.

Владимир НОСКИН



Йилдуп киника етас

Ас нопатты тыдэщ 18-мит хэтэдн Ёмвошн 12-мит пүш «Спасти и сохранить» немуп мұвāt, юханāt па вәнт войт вәнълдыты вер пүншысы. Муйсәр верāt тām пүш дэщātсыйт, щи олаңән айкел āкātты мира вәнт войт па мұвāt-автāt давāлдыты тāхи кәщa Сергей Пикунoв, щāдтa образование департаментāн рәпитты не Антонина Урсy-Архипова па экологической верāt дeраммтты хә Анатолий Захлебный (Москва) путāртсāt.

С. Пикунoв лупās, экологической акция хұвн версы, ләдн аршāk хуятāt мұвāt па юханāt давāлман тāйты ат пйтсāt. Щит пāты кашāң од «Спасти и сохранить» вера ар мир хұщдāt, юхи хāщум кātхущяң од мār 450-кем шурās хāннeхә акцияйн вәсāt. Тām пүш округ хұваттйин нядкeм шурās хуят щи вера вұянтсāt. Хәдмит од 180-кем шурās вәндтйидты нявремāt па айдат ех «Моя Югра, моя планета» немуп ут дэщātты пурайн арсыр ям верāt версāt.

Тām одн нумās павātсы мет ар эви па пух «Спасти и сохранить» верāt верты вохты, итэхāt Ёмвош кұтүп вәлдыт хāрн па Лосев немуп рұтьщāты вұрн хәс кāt пāршин хот рәпитās. Щи ут «Этнокультурный Арбат» немн альщāсы. Кāt пāршин хотн айлат ех вошāң мир

па рәпата тāхет эвāлт āн мосты непекāt па киникат āкātсыйт, и тāхийн камн вәлдыт ампāt па кātет мира ортсыйт.

Кātхущяң од мār «Спасти и сохранить» вер верды. С. Пикунoв лупās, щит унтасн кашāң од вәнтāt-автāt сыстeма йиты пйтсāt па арсыр вер тұндматсы. 2009-мит одн мұв илди питы вуйн 6300 арат гектар мұв хәдытман вәс, тәняд 4500 гектар арат щимāщ мұв вәс. Щāдтa сыры питы вуй щошиты тұрпайт 6500 арат пүш пұтлāsāt, тәняд 2800 арат пүш щимāщ вер питылās. Интум вәнты «Роснефть» тāхи мұвийет мет хәдытл, «Славнефть» щиты верты вулдыс, «Лукойл-Западная Сибирь» ищи ешайн хәдытты вулдыл. Кашāң од мұвeв нух сыстeмтты пāты мет

арвух худтуптāты пйтсы, юхи хāщум олаңн миллион арат ай юх омāсы па ветьяңкeм шурās кубометра арат тāпār āкātсы. Щāдтa округ хұваттйин 144 –кем мұвāt давāлдыты тāхиверсы. 12 олдмāрокругев нявремāt ар пүш экологической кāсупсэтн нух питыйлдсāt, юхи хāщум пүш Санкт-Петербург вошн «Человек на земле» кāсупсыйн лапāt верāt эвāлт вет утн дыв олаң тāхет еша павātсāt. С. Пикунoв нэмāсл, экологической верāt дэщātтэв пāты щимāщ ям верāt тывсāt.

А. Захлебный научной мирхот олаңән путāртās. Щāта 26 ай ех вәндтāты хуятāt «Экология безопасности жизнедеятельности» немуп йилдуп киника олаңән путāртсāt. Мұң мұвeвн щи вер яң āшколайн 10-

11-мит класснāн айлат ех вәндтāдāt. Ешайн Прибайкалье хущи ищи и āшколайн эвет па пухāt щит уша павātты пйтлāt. Хән щи вер яма тывл, щи пурайн Россияйн вән эвет-пухāt худыева āшколайт хущи экология щирāt вәндтāты пйтлāt.

А. Урсy-Архипова ай павтās, тām пүш устойчивой развитие немуп научной мирхота ай пушхāt енмāлдыты ех ищи вохсыйт, ләдн дыв институтātн рәпитты мир пида вәтща экология вәндтупсы олаңән ат путāртсāt. «Тām хātл щи вәндтупсы йилдуп щирн дэщātты мосл. Вантэ, āшколайта па ай нявремāt давāлдыты хотāта стандарт непум щир вұраңән рәпитты мосл. Тām пұляң мет ай эвет-пухāt па мēшāң нявремāt пāты щит хāншды, щи непекн экология олаңән худна немāлт āнтeм вәл. Мұң округевн па итэх мұвātн экологической вәндтупсы тұңщирāңа дэщātсы, щит пāты интум нявремāt па айлат ех вәндтāты хотāта и щирн рәпитты мосл», – лупās А. Урсy-Архипова.

Реональда ОЛЬЗИНА

Россия мұв олаңән хурāt алял

Товийн Русскинской кертāн вой-хұл вeдпāслаты, вұдең ех емāнхātл пурайн хур вұты американской хә Тодд Принц пида вәтāңа йисум. Лұв вантты юхтās, муй щирн Тромаган юхан хонāңән хāнтeт вұдeтн кāслāt. Щи вер олаңән щиты ястās: «Ма шеңк вантты лāнхалум, муй щирн арсыр Увās мирāt хуща вұдең кāсупсeт мāнлāt. Вантэ, кашāң тāхийн щи кāсупсы лұв щирадн дэщātлды».

Тодд Принц яңкeм од юхды Нью-Йорк вош эвāлт Москва хон воша юхтās. Лұв лупās:

– Ма айтелдн сāmāңа Россия мұв культура тāйдем. Ма вошемн ар рұщ хуят вәл, дыв па хон пелāk мұвāt эвāлт юхтум ех киньщи па хұраспет. Мāнема эмāщ уша верты, рұщāt муйсәр щимāщ мутрайң мир.

Нью-Йорк вошāң рұщāt шеңк эмща рeт мұвeл олаңән путāртлāt, щит пāты ма Россия мұв вантты лāнхасум. Манемасыя рұщ мир йис вәлупсы па литература хұват лекцияйт хәдāнтты яңхсум.

Москва вошн Тодд айкелāt āкātты хәя рәпитты пйтās, экономика вер олаңән хāншās. Лұв ванкұтды Россия хұват

яңхās па уша верās, муй щирн арсыр мирāt тāта вәлдāt. Ин Тодд Принц финансовой институт хуща рәпитл, па хон пелāk мұвāt эвāлт юхтум еха арсыр экономической верāt тeты нeтл. Рұтьщāты пурайн лұв хурāt вұл. Немасыя сайт верās, хута щитāt алял.

Тодд лупās, США хуща вәлдыт мир Россия мұв олаңән атмашāка нэмāслāt. Мосāн, американской хә верум хурāt па путрāt эвāлт дыв Россия па щātā вәлдыт арсыр мирāt олаңән яма нэмāсты пйтлāt.

Москвая юхтум юпийн лұв имухты вұдең ех кāсупсы олаңән хурāt ин-



тернета пунсālэ. Ар хуятā щитāt шеңк мeстāsāt. Щит эвāлт Тодд сāmл дьпийн шеңк ям, щит пāты ин лұв нэмāсл, муйсәр тāхета лұң пурайн па яңхты па хурāt вұты.

Людмила СПИРЯКОВА

Дэвән кэртән дор

Катра йис пура вүш эвәлт ханты мирев мўвәт-йиңкәт, вүрәт-вәнтәт ханты немәт тайсәт. Ин там йисн иса ханты немәт худт юремәты питсайт. Тәхәл пусләт па дорәт йилпа юхтум мирн рүш ясәңән па щира ястәлайт. Ма нумәс версум мўң газетаева мўвев-йиңкев олаңән ханты щирн хәншты.

Ма аңкаңкием, Мәңкием па кэртән пирәш ханты хуятлам хўватн рәт мўвем-йиңкем вәнт нюдәт, пусләт, дорәт, юханәт, әрамәт, лухәт, пусәл мўвәт, мәднәт, вәнт соймәт, қаләт, әкрәт, пусәл панәт ханты немәт иса непека нух хәншсәдам.

Ин йилпа енумты ханты әх ат дунәтләт па вәйтләд әңкидал-ащидал енмум мўвәт-йиңкәт муйсәр немәт тайсәт.

Ма там артән Дэвән кэртән дорем олаңән хәншлум. Катра йис пура вүш эвәлт Дэвән кэртән дор Пәкәр кэртән мир кеши войхүл велпәсләты тахи вәс. Дэвән кэртән дорев па Пәкәр кэртәв Сүмәтвош районән вәлдәт. Шуши хәнтылүвн Дэвән кэртән дорев Горный сора алыда. Рүш ясәңән Усть-Сосьвинской дор па щиты картайт хушинухәншла. Дорән овәд вүш эвәлт па дор әрам пәты вәнты хўваттәд лапәгьяң вет километра питл.

Дэвән кэртән дор овән карәш вәнт нюдтый вәд. Там нюдтыйн йис пурайн кәрт вәс. Архив непекаәт хўват – Усть-Сосьвинской юрта хәншса. Ханты щирн Дэвән кәрт. Дорев щирн щимәш нем щитәйл. Там йис кэртәв па нем па тайс. Мирн Тәд кәрта ястәса, рүш щирн – Зимние юрты. Па тәхәл әхн Пәдкәрт нюда ястәса. Пәдкәрт нюд щит – карәш тәхийн омәсты кәрт. Там кэртән Новьюхов, Отшамов, Рубахов, Хандыбин рәтәт вәсәт. Щит рәтлән нявремәт, хиләт ин там

Пәкәр кэртән щит вәлдәт. Тәд кәрт нюдәв шумая дорев па пелакн па вәнт нюдәт вәлдәт. Ныкды вәдты вәнт нюдтыйд щит – Сүмәт нюд. Щит юпийн – Нәңк нюд. Нәңк нюдән вүт пелакн Айлор юхан ов.

Тәд кәрт нюдәв нюдтыев Лапәтхушьяң нюдтыя алыда. Там нюдтыен ар пүш түтн питыйдса. Түт дэвум тәхәт ипүша вурты воньшүмутән, вошвулдн ямсыева етлә. Щирн там тәхәтн Пәкәр кэртән әх воньшүмут воньшты яңхләт. Тәхәл пурайн йив пухиет тыв вухлыйдләт вошвулд вошты.

Па елды дор пәты – Вүды хот нюд. Щит катра, вүләт тәюм пурайн, алпа тамәш немн пунса. Дор нюдтыятн дүңән пеләна пурайн вүды ташәт тайсайт. Пәшасн вердайт, пәсәңән пундайт. Тәхәл тәхәтн щимәш пәшас вулдад худна вәлдәт. Там дор нюдтыен вүт пелакн – Пилтән нюд. Йис әхлүв там нюдтыйн пилт давалды яңхсәт. Васы велпәсләты щира пилт талдясәт. Щит юпийн – Пилтәң союм. Щәлдта вүтлы па Сәй нюд немуп нюдтый. Мәтты вән семписәй тайтәд, щит вүраңән тамиты ястәла.

Пилтән нюдән па Сәй нюдән кәтн-күтн – Ям кәрт союм вәд. Катра йис пурайн там соймен хўват тәдн ям әш вәлмәд. Там әшән мирн па хон әша ястәса. Тәта мәтты йисн хот омәсмад. Пирәш хуятлам ясталәт «хон әхәл» мәтты щимәш щит: әхләд хот тайл, хотн



кәр вәд. Әхләд мўдты арат довн кирла. Щимәш хотәң әхәл кирум, довн вурайн щит талла. Дыпийн пояр омәсл, дүв хотд эвәлт ком әнт етлийл, щиты төла. Тәдн, ишки пурайн мәнман, кәр щит алыдыла. Йис пурайн там әш хўват пәшта па тәтдыса.

Сәй нюдтыен юпийн, Сдор пәты пелды Сәсәң союм па Сәсәң нюд. Йис пурайн лук сәсәт тәта вәлмәд. Щит соймен юпийн Хүлдом юхан ов. Хүлдом юхан овев шумая Хүлдом вулды хот нюд.

Дор пәтәв күтүпн Вүрәна пәхәр вәд, там пәхәрн йис шәкәң тәхи.

Дорев пәтәд пелды вәш Дюхана йил па щәлдта иса хўва шәкремунан калт хўват Кев пелды щит мәнн. Дор пәтәв элды юхды ки керәтты дор ов пелды, дор па пеләкн па вәнт нюдтыйт вәлдәт. Нәңкәңкәд нюдтый. Тәта мәтты йис пурайн лүң кәрт вәлмәд. Аятовәт, Рябчиковәт рәт әх тәта вәлмәд. Мәтты кәрт вүлдәд хүдна вәд. Щәлдта ныкды дор ов пелды – Пүтәң нәрум нюдтый. Там нәрумн алпа пүт юремәса. Пүтәң нәрум юпийн сойм вәд, щит Ем әвтүм сойм. Щәлдта щит юпийн па Хопьюх нюдтый. Пирәш әхлүв там тәхи Хопьюх нюдтыя ястәдәд сайлды нем юкана, щит эвәлт там метемәң тәхи вәлдәл. Там емәң тәхия йис пүра вүш

эвәлт Пәкәр әхлүв ин там хәтл вәнты порыләты щит яңхләт.

Тәд Хопьюх нюдтыен Телпийн ныкды Дэвакәртән дор ов пелды па союм вәд, щит иши Ем әвтүм союм нем тайл. Кәт пеләкн вәдты соймдан Ем эвәтты соймәңән. Не хуятлүва щит соймәт вәнты яңхты рәхлпа сойм шәпи вүншты ән рәхл, щирн щит ястәла – Ем әвтүм соймәта алыдайт. Щит тәхи мўхты мәнты пурайн не хуятәта щивәлт пелды вантты ән рәхл.

Вән хуятлүв ястәләт, Мәтты 1970-мит олаңн рүш әхлүвн там нюдтыев немасыя түтн павтыйлдса. Там Емәң тәхийн мәтты ар йис пурмәс вәс, щитәт алпа лодмум пурайн щит атур вер щит верса. Щиты вән хуятлүв пүтәртыйлдсәт.

Дәва кэртән дорева Дәй дор йиңкәт увләт. Там Ай дор хўват йис әхлүв Түтлөвум кәрт вәнты щит яңхмәд. Ай дор ов ным пеләкн Нәңк нюд, па щит юпийн Сүмәт нюд. Щәлдта па щит, Дэвән кэртән дор ова юхәтлүв па Ващдор пусләва щит пилтүв.

Иса йис пүра вүш эвәлт Пәкәр кэртән хәнты мирев Дэвән кэртән дорәд – щит лыв пуляң велпәсләты тәхилад.

Наталья
КРАСНОПЕЕВА

*Там ванан дыпэт тылэц нядмит хэтл
вүш эвэлт па лапэтмит хэтл вэнта Ёмвошн
округев дуватн вэлты нэрэсьюхэт верты
хэннехуятт вэйтантупсы мэнэс.*

Нэрэсьюхэт верты яма хошлэт

Нэрэсьюхэт верты па айлат ёх щимэц верата вэндтаты округев арсыр тэхет эвэлт культура департамент кэщайт немасыя верантты ёхтыв вохсат. Дыв там күтн ар пелэк Шапша кэрт, Ёмвош, Сүмэтвош па Сэрханл районэт эвэлт вэсэт.


Ма ши щосн итэх верантты ёх пила вэйтантуйлдсум па муртаңайкелушаверсум. **Герман Семёнович Хатанзеев** Сэранпауль вош эвэлт вэл. Сырыя Дмитрий Георгиевич Агеев хуши арсыр нэрэслэты ширата вэндтуйлды айлат ёх пата там хэ нэрэсьюхэт верэс. Лүв иса 1999-мит од вүш эвэлт щитэт дэщэтл па тамиты мэнэма путэртэс:

– *Ма вэтца ширемн там нэрэсьюхэт верты вэндтуйлдсум. Сырыя вантсум Артём Гришкин па Григорий Сайнахов дэщэтум утэт па ёхэт айдтыева олаң нэрэсьюх ма хуцэма тывэс. Ныньюхэтищитыайкемн вэндсум тўңширэна верты. Ма нэмэстемн, мэнэма нэтэс ши вер, хути ай пурайт вүш эвэлт иса рўц мир гитарайн юнтсум па Сэранпауль вош ашкола искусствайт хуши ищиты сыр-сыр нэрэслэты пурмас сувэт тўңширэна дэщэтман рэпитлдум. Юхи хэщумпурайн нэрэсьюхэт арпелэк хэдьюх эвэлт тэса верты*

вўянтсум. Ши вэнтьюхэт тумпийн, там хэтл верантты ёхлүв нохэрьюх па хопьюх эвэлт ищиты тэса па сыяңа сэщты нэрэслэты пурмасэт дэщэтты вэндтуйлдсэт. Щит шеңк вэн па мосты вер там хэтл мўң шуши мирлүв пата. Елды вэлтыходты ширевн ищиты дэдн сыяң па хурасэң нэрэсьюх сый там нуви тэрум илпийн ат сэщэс. Ши пурайн мўң веритлүв кашаң мир хэннехуятта путэртты, хутиувэс ёхлүв культура ширэт ямсыева елды айлат ёхлүвн алемэсыйт, апрэң ешата питсэт па там хэтл шеңк сэмэна тайдыт. Тамэц нэрэсьюх верты ёх вэйтантупсэт округев дуватн арсыр вошатн дэщэтты мосл, дэдн аршэк хэннехэ вэндтаты ат веритсүв, муй ширн там пурмас дэщэтты па хути щитн юнтты мосл.

Кимит нэрэслэты пурмас верты хэем **Анатлий Васильевич Вадичупов** Шапша кэртэн Ёмвош районэн вэл, лүв па нэрэсьюх дэщэтты па щитн юнтты олаңан тамиты мэнэма путэртэс:

– *Мет олаң нэрэсьюх ма 1988-мит одн версум. Инщит Венгрия мўвн вэл. Ма, вантэ, юх па лүв эвэлт арсыр пурмасэт эвэтты хэя сырыя Пулцавэтвошн вэндтуйлдсум па олаңан щата рэпата тайсум. Ёхэт Лапэнтнэңк вош хуши*



лүв эвэлт арсыр тухлэң муй вэнтвой па хэннехэ хурасэт эвэтты хэя вэсум. Айн-айн Сүмэтвош культура хота юхэтсум па щата ищиты сыр-сыр шуши мир пурмасэт юх па лүв эвэлт эвэтамн и од мэр рэпитсум. Ши вош эвэлт Лев күтүп юхан кэрта мэнсум па ищи Увэс мират культура хотн рэпата мушэтсум. Щата нял од мэр рэпитсум па Ёмвоша ши мэнсум. Веритлдум лупты, муй ширн вэдупсем хуват ямкем ар нэрэсьюх, ныньюх муй тэрсэплдьюх сыр-сыр якты-ариты хотэт пата дэщэтсум. Щадта

верум нэрэсьюхдам округев арсыр районэтен ин там хэтл вэнта ямсыева тайдыт. Тата мўң ныньюх верлүв па ан хошты ёх щимэц нэрэсьюхэн юнтты вэндтаты пиллүв.

Юволэңнэн верантты хэйңэн лупсэңнэн, хути тамэц вэйтантупсэт вера мослэт. Тата дыв айлат ёх сыр-сыр нэрэсьюхэт верты па щитэтен дывед ямсыева юнтты вэндтэдэт, дэдн шуши мир нэрэслэты ширэт елды тўңширэна ат вэсэт па хуятэтен сэмэна ат тайсыйт.

Владимир ЕНОВ

Ханты ясанг
(Хантыйское слово)
№12 (3408), 20.06.2014

Соучредители
Дума, Правительство
Ханты-Мансийского
автономного округа – Югры
Издатель
Департамент общественных
и внешних связей Ханты-
Мансийского автономного
округа – Югры

Редакция

Главный редактор –
Решетникова Р.Г.
Телефон (3467)33-36-82

Заместитель главного
редактора – **Вах Н.И.**
Телефон (3467)33-24-02

Ответственный секретарь –
Новыхова Н.В.
Телефон (3467)33-24-02

Адрес редакции и издателя:

628011, г. Ханты-Мансийск,
ул. Комсомольская, 31
тел./факс (3467)33-17-52
E-mail: luima@ugracom.ru
Газета размещена на сайте
www.khanty-yasang.ru

Отпечатано:

ОАО «Издательский дом
«Новости Югры» г. Ханты-
Мансийск, ул. Мира, 46.

Подписано в печать:

по графику 18.06.2014 г.
в 15.00.; фактически
18.06.2014 г. в 15.00.
Индексы **04393, 54393**
Тираж 2210 экз. Заказ 1396.
Цена свободная

Газета зарегистрирована
Управлением Федеральной
службы по надзору в сфере
связи, информационных

технологий и массовых
коммуникаций по
Тюменской области,
ХМАО-Югре и ЯНАО.
Свидетельство о
регистрации ПИ №ТУ 72-
00796 от 23 января 2013г.
Мнение авторов
публикаций не
обязательно отражает
точку зрения
редакции.